

MISSINGIUT

Kalaallit Nunaanni atuuttussatut ataatassarsiuinernut anaanaaqataasussarsiuinernullu atatillugu inatsisit tunngavigalugit inuup sananeqaatai atorlugit misissuinissanut nalunaarut

Meeqqanut inatsimmi § 33, imm. 1., kunngip peqqussuteqarneratigut Kalaallit Nunaannut atuuttussanngortitaq nr. xx., xx 2024-imeersoq naapertorlugu, aaliangerneqarpoq:

Naalagaaffiup sinniisua

§ 1. Peqqussummi § 11 naapertorlugu inatsisit malillugit inuup sananeqaataanik tunngaveqartumik misissuisoqassatillugu, Naalagaaffiup sinniisuata aalajangissavaa, misissuineq qanoq ingerlanneqassanersoq sumilu misiligutissat misissugassat pisariaqartinneqartut tiguneqassanersut.

Eqqartuussivik

§ 2. Peqqussummi § 18, tak. § 11 tunngavigalugu inuup sananeqaatai aallavigalugit misissuisoqarniaruni, taava eqqartuussiviup aalajangissavaa, misissuinerit qanoq ingerlanneqassasut, sumilu misissugassatut tigusinerit ingerlanneqassasut.

Misiligutinik misissugassanik il.il tigusinissani maleruagassat tamanut atuuttut

§ 3. Inuup sananeqaatai tunngavigalugit misissuinissani nalinginnaasumik misiligutinik misissugassanik marlunnik tigusisoqartarpoq. Taakkulu sapaatip akunneranik ataatsimik akunnilerlugit tiguneqarajuttarlutik.

Imm. 2. Imm. 1-imi qanorluunniit allassimasoqaraluarpat misissugassat immikkut tunngaveqartoqartillugu ullormi ataatsimi tiguneqarsinnaapput, tigusinerit sulisunit assigiinngitsunit ingerlanneqartassapput. Misissugassatut tiguneqartuni ataasiakkaani taamatut iliortoqartinnagu inuup tigusiffiginiarneqartup kinaanera misissorneqartassaaq, tak. § 4, imm. 1.

§ 4. Inuit §§ 1 aamma 2 aalajangersakkat naapertorlugit sananeqaatit tunngavigalugit misissuinerni ilaasut, misissugassanik tigusinernut atatillugu kinaassutsiminnik uppersarsaammik takutitsissapput assitalimmik, takuulli imm. 2. Tamannali meeqqamut atuutinngilaq.

Imm. 2. Inuk taaneqartutut misissuinissami ilaasoq, peqqissutsimut uppersarsaammik takutitsisinnaavoq, assitalimmik kinaassutsimik takutitassaqaanngikkuni.

Imm. 3. Angutit, pineqartuni ilaasut, misissugassamik tigusiiffigitinnerminnut atatillugu assilineqassapput. Tamanna aamma pissaq anaannaqataasoq sundhedskort-iinnarmik takutitassaqaqpat, tak. imm. 2. Ullup ataatsip iluani ataatsimit amerlanerusunik misissugassanik tiguisoqarpat, tak. § 3, imm. 2, pineqartoq ataasiaannarluni assilineqassaaq.

Imm. 4. imm. 3, 1. aamma pkt. 3, atorneqassaaq inunnut allanut, taakku §§ 1 aamma 2 naapertorlugu inuup sananeqaataanik tunngaveqartumik arlaatigut pisariaqartitsisoqarnera pequtigalugu misissorneqarunik.

§ 5. Taaneqartutut misissuinerit inernerit naammassippata, Naalagaaffiup sinniisaa eqqartuussivik aqputigalugu peqataasunut paasissutissiisaaq.

Imm. 2. Assilisat, § 4, imm. 3 aamma 4 taaneqartut, inuup sananeqaatai tunngavigalugit misissornerata inerneranik saqqummiussinermi ilanngunneqassapput suliallu ingerlaqqinnerani taakku suliamut attuumassuteqartunut saqqummiunneqarsinnaallutik.

Atuutsitsilernermi ikaarsaarnermilu aalajangersakkat

§ 6. Nalunaarut atuutilersinneqassaaq ulloq 1. april 2024.

Imm. 2. Nalunaarut atorneqassaaq, kunngip peqqussuteqarneratigut meeqqanut inatsit, Kalaallit Nunaannut atuuttussanngortitaasoq, atorneqarpat.